



CONCELLO DE RIOTORTO (LUGO)

CIF: P2705400 F

BASES REGULADORAS DO PROCEDEMENTO PARA ALUGUER TEMPORAL DUNHA VIVENDA EN SANTA MARTA PARA EMERXENCIA SOCIAL DO CONCELLO DE RIOTORTO.

I.- Obxecto.

As presentes bases teñen por obxecto a regulación do procedemento competitivo e de libre concorrència para aluguer temporal dunha vivenda municipal para emerxencia social recentemente rehabilitada en Santa Marta, coa finalidade de dar aloxamento a aquelas persoas e/ou unidades de convivencia que se atopen nas circunstancias que posteriormente se desenvolven e que quedaron sen acubillo e requiren un aloxamento inmediato e provisional.

Trátase dunha vivenda de 77 metros cadrados (planta primeira) de 3 dormitorios, salón comedor, cociña e un cuarto de baño, con capacidade aproximada para 4/5 persoas, amoblada e non adaptada para persoas con mobilidade reducida.

II.- Solicitudes. Prazo de presentación.

Os interesados neste procedemento poderán presentar una solicitude en modelo normalizado (Anexo I a estas bases) xunto a documentación a que se refire a base VI, no prazo dun mes, contado desde o día seguinte ao da publicación da presentes bases no Boletín Oficial da Provincia de Lugo. Para estes efectos entenderase como último día do prazo o correspondente ao mesmo ordinal do día da publicación. Se este último é día inhábil, entenderase prorrogado ata o primeiro día hábil seguinte. Se no mes de vencemento non hai día equivalente, entenderase que o prazo remata o último día do mes.

A presentación da solicitude implica o coñecemento e aceptación condicionada das presentes bases reguladoras.

O non axustarse aos termos desta convocatoria, así como a ocultación de datos, a súa alteración ou calquera outra manipulación da información será causa de desestimación da solicitude.

III.- Requisitos dos demandantes do aluguer da referida vivenda

Os requisitos para participar neste procedemento son os seguintes:





CONCELLO DE RIOTORTO (LUGO)

CIF: P2705400 F

- a) Ser o solicitante maior de idade ou menor emancipado e acreditar estar empradoado no concello de Riotorto cunha antigüidade mínima de 2 anos á data de formalización da solicitude, achegando ao respecto o certificado histórico do departamento de padrón do concello de Riotorto.
- b) Non ter a persoa solicitante nin ningún outro membro da unidade de convivencia, unha vivenda en propiedade, a menos que non dispoña do seu uso e desfrute, nin do usufruto doutra vivenda en todo o territorio nacional, ou ben se trate dunha vivenda inadecuada ou insuficiente.
- c) O solicitante -ou a unidade de convivencia na que estea integrado- deberá acreditar uns ingresos entre 1 e 3 veces o IPREM para o ano 2026.
- d) Deberá quedar acreditado o grao de integración social. En concreto, non haberá antecedentes de ter incumprido reiteradamente as normas de convivencia. A estes efectos, poderán ser excluídas aquelas persoas ou unidades familiares que en virtude do informe emitido polos servizos sociais comunitarios, conste que incumpriron reiteradamente as normas da comunidade.

IV.- Colectivos beneficiarios.

Para o acceso á vivenda de emerxencia social en réxime de aluguer deberá o solicitante pertencer a algún dos colectivos relacionados a continuación:

IV.1. Relación de colectivos beneficiarios:

- a) Unidades familiares ou de convivencia afectadas por procedementos de execución hipotecaria, sen necesidade de que exista unha resolución xudicial de finalización do citado procedemento xudicial.
- b) Unidades familiares ou de convivencia afectadas por un procedemento xudicial de desafiuzamento por impago de rendas da súa vivenda habitual.
- c) Sinistro da vivenda habitual (incendio, inundación, ...etc) motivo polo cal definitiva ou temporalmente a vivenda habitual non reúna as condicións de habitabilidade.
- d) Unidades familiares ou unidades de convivencia con fillos menores, así como familias numerosas e familias monoparentais con fillos a cargo.
- e) Unidades familiares ou de convivencia nos que existan mulleres vítimas de violencia de xénero, sempre que o documento acreditativo da situación de violencia fora adoptado ou emitido nos 12 meses inmediatamente anteriores á data de





CONCELLO DE RIOTORTO (LUGO)

CIF: P2705400 F

presentación da solicitude da vivenda. Así mesmo, será preciso que a orde de protección ou a medida cautelar estean vixentes.

f) Unidades familiares ou de convivencia nos que existan persoas maiores de 65 anos sen limitación na súa autonomía persoal que permita o acceso á vivenda.

g) Unidades familiares ou de convivencia nas que existan persoas que foran beneficiarias de axudas ao aluguer no marco de programas xestionados polo IGVS e que, unha vez vencido o período máximo de percepción das mesmas, permanezan nunha situación de desprotección ou especial vulnerabilidade.

A pertenza a un destes grupos acreditarase documentalmente ou mediante informe dos servizos sociais do concello onde se atopa a vivenda ou calquera outro medio de proba válido en dereito que o acredite.

V.- Concepto e cómputo dos ingresos das unidades de convivencia

Considerarase que unha unidade familiar se atopa en situación de necesidade social cando os ingresos ponderados anuais totais desta non superen o valor, en euros, do IPREM (Indicador público de renda de efectos múltiples) calculado en 14 pagas, segundo o seguinte cadro:

UNIDADE FAMILIAR	IPREM
1 MEMBRO	1
2 MEMBROS	1,5
3 MEMBROS	2
4 MEMBROS	2,5
5 MEMBROS OU MÁIS	3

Para calcular os ingresos ponderados anuais computaranse os rendementos de traballo e/ou rendementos de actividades económicas, profesionais e artísticas, prestacións de desemprego, as pensións ou subsidios de desemprego, as pensións compensatorias que se reciban de excónxuxe, xuros e rendas, para cuxo cálculo se tomarán como referencia os ingresos netos anuais totais de todos os membros da unidade familiar que vaian ser





CONCELLO DE RIOTORTO (LUGO)

CIF: P2705400 F

aloxados na vivenda, tomando como principal referencia o exercicio económico correspondente á data da solicitude (2026).

VI. Documentación xustificativa a achegar.

Xunto coa solicitude deberá acompañarse a seguinte documentación:

a) Documentación xeral:

- Acreditación dos ingresos correspondentes a cada un dos membros da unidade de convivencia do ano en curso (2026) co obxecto de xustificar a capacidade económica da persoa solicitante para facer fronte ao pago do aluguer indicado nas bases. Estes ingresos deberán acreditarse mediante a presentación de nóminas ou contrato de traballo vixente. No caso de persoas perceptoras de prestacións: certificación ou informe sobre a contía da prestación percibida.

Todo iso sen prexuízo de que os servizos municipais poidan requirir a documentación que acredite os ingresos.

- Declaración xurada de non ter, a persoa solicitante nin ningún outro membro da unidade de convivencia, unha vivenda en propiedade, a menos que non dispoña do seu uso e desfrute, nin do usufruto doutra vivenda en todo o territorio nacional. O concello poderá solicitar un índice de titularidades rexistradas inmobiliarias da persoa solicitante, ou da súa unidade de convivencia, no caso de consideralo necesario.

- Fotocopia do DNI ou NIE de todas as persoas membros da unidade familiar ou de convivencia; no caso de fillos menores de idade que non teñan DNI, fotocopia do Libro de Familia; e no caso de estranxeiros NIE.

- Libro de familia: fotocopia de todas as follas do libro de familia na que figuren todas as persoas que compoñen a unidade familiar.

- Certificado de convivencia histórico referido á data de presentación de solicitudes.

- Declaración responsable das persoas que compoñen a unidade familiar ou, no seu caso, unidade de convivencia.

b) Documentación específica para determinados colectivos:

b.1) Mulleres vítimas de violencia de xénero. Para a acreditación da dita situación deberá aportarse algún dos seguintes documentos:

-Certificación da orde de protección ou medida cautelar, testemuño ou copia autenticada da secretaría xudicial da propia orde de protección ou medida cautelar.





CONCELLO DE RIOTORTO (LUGO)

CIF: P2705400 F

- Sentenza de calquera orde xurisdiccional, que declare dita situación.
 - Informe do Ministerio Fiscal que indique a existencia de indicios de violencia.
 - Informe dos servizos de acollida ou servizos sociais comunitarios do concello no que resida.
 - Certificación e/ou informe dos servizos sociais e/ou sanitarios da Administración Pública Autonómica ou Local.
 - Calquera outro que se estableza legal ou regulamentariamente para a acreditación da dita situación.
- b.2) Título de familia numerosa: fotocopia do título de familia numerosa, no seu caso.
- b.3) As familias monoparentais con fillos: acreditación da citada condición, mediante certificado de convivencia e sentenza de separación ou divorcio, convenio regulador ou resolución de medidas parteno/materno filiais e libro de familia e fe de estado civil.
- b.4) No seu caso, documentación acreditativa da perda do dereito ao uso da vivenda na que residiran con anterioridade (sentenza ou resolución xudicial de desafiuzamento en calquera instancia xurisdiccional, etc), ou da perda das condicións de habitabilidade da vivenda (informe do técnico municipal).
- b.5) Para o caso de unidades familiares ou de convivencia afectadas por procedementos de execución hipotecaria, deberán aportar acreditación da admisión a trámite da demanda de execución hipotecaria e certificado do letrado da Administración de Xustiza de que non finalizou o procedemento xudicial.

VII.- Valoración das solicitudes

O aluguer formalizarase coas persoas solicitantes que pertencen a unidades familiares ou de convivencia, relacionadas na base IV.

No suposto de que houbera varios solicitantes dentro dos colectivos prioritarios, o aluguer da vivenda realizarase a favor da persoa ou unidade de convivencia que reúna maior puntuación, segundo a suma total obtida en base aos seguintes baremos:

1. IPREM ponderado conforme ao apartado V:

☐ Unidade familiar cun IPREM, ponderado conforme ao apartado V, inferior a 8.106,28 € (referido a 14 pagas): 10 puntos





CONCELLO DE RIOTORTO (LUGO)

CIF: P2705400 F

- ☐ Unidade familiar cun IPREM, ponderado conforme ao apartado V, comprendido entre 8.106,28 € e inferior a 12.159,42 €: 8 puntos.
- ☐ Unidade familiar cun IPREM, ponderado conforme ao apartado V, comprendido entre 12.159,42 € e inferior a 16.212,56 €: 6 puntos.
- ☐ Unidade familiar cun IPREM, ponderado conforme ao apartado V, comprendido entre 16.212,56 € e inferior a 20.265,70 €: 4 puntos
- ☐ Unidade familiar cun IPREM, ponderado conforme ao apartado V, comprendido entre 20.265,70 € e menor 24.318,84 €: 3 puntos.

2. Número de membros da unidade familiar:

- ☐ Unidades familiares con 5 membros: 8 puntos
- ☐ Unidades familiares con 4 membros: 6 puntos
- ☐ Unidades familiares con 3 membros: 4 puntos
- ☐ Unidades familiares con 2 membros: 2 puntos
- ☐ Unidades familiares con 1 membro: 1 punto

VIII.- Formalización do contrato e Prezo do aluguer

Previo á ocupación temporal da vivenda de emerxencia social, a persoa solicitante beneficiaria procederá á sinatura do contrato de aluguer no documento correspondente. O prezo do aluguer será 95€ ao mes, incrementándose anualmente segundo o Índice de prezos ó consumo (IPC).

IX.- Duración do aluguer

O aluguer terá unha duración máxima de 12 meses, que se poderá prorrogar por dous periodos máis de dous anos cada un , ata un máximo de 5 anualidades a proposta de informe da traballadora social dos servizos sociais comunitarios do concello de Riotorto. Unha vez rematado este prazo, procederase a abrir un novo procedemento de aluguer.

O solicitante que con anterioridade fora beneficiario dunha vivenda de emerxencia social municipal no concello de Riotorto poderá presentar novamente unha solicitude





CONCELLO DE RIOTORTO (LUGO)

CIF: P2705400 F

si persistira a situación de necesidade ou concorrera unha nova situación de emerxencia.

X.- Obrigas dos ocupantes.

- A persoa/s adxudicataria/s da vivenda de emerxencia social deberá ocupala e destinala a vivenda habitual durante o prazo de ocupación do que é beneficiaria, facendo un bo uso da mesma, coidándoa coma se fose propia e entregándoa ao Concello ao finalizar o oportuno prazo nas mesmas condicións nas que lle foi entregada.
- A persoa deberá custear os gastos da súa manutención, os gastos de comunidade e os gastos que ocasionados polos servizos da vivenda (auga, luz, lixo,...etc).
- No suposto de atopar danos na vivenda ocasionados pola utilización indebida ou negligente da persoa ou persoas beneficiarias, esta estará obrigada a asumir o custe da súa reparación ou reposición.
- Todos os danos que se produzan nos elementos comúns do inmovible correrán a cargo da totalidade das persoas adxudicatarias que residan no inmovible por partes iguais, a condición de que non se poida individualizar á persoa causante dos danos.
- A limpeza tanto da vivenda, mobiliario e demais aveños, correrá a cargo das persoas eneficiarias ocupantes da mesma, así mesmo correrá ao seu cargo, por quenda co resto de ocupantes doutras vivendas do mesmo edificio, a limpeza da escaleira, corredor e portal.
- Non poderán residir na vivenda máis persoas que as sinaladas expresamente na solicitude como membros da unidade de convivencia, salvo casos excepcionais que deberán ser valorados polas técnicas dos Servizos Sociais do Concello de Riotorto.
- As persoas ocupantes das vivendas de emerxencia social non poderán ter animais de compañía, salvo caso de cans guía; ou dos que xa fosen propietarios e téñanos rexistrados legalmente, cumprindo con todos os requisitos da lei de protección animal. Así mesmo, non poderán almacenar materiais antihixiénicos e/ou perigosos.
- Ao finalizar a estanza na vivenda, as persoas beneficiarias da mesma, deberán entregar as chaves no Concello, no lugar, hora e á persoa que se lle indique, deixando a vivenda limpa e libre dos seus aveños persoais.





CONCELLO DE RIOTORTO (LUGO)

CIF: P2705400 F

- Non se poderá realizar, a iniciativa das persoas residentes, obra algunha na vivenda de Emerxencia. En caso dalgunha avaría nas instalacións, deberán dar conta inmediata ao concello.
- Queda terminantemente prohibido utilizar os servizos e elementos comúns de forma contraria ao seu destino. Así mesmo, está prohibido deixar ou almacenar calquera obxecto nas estanzas comúns do inmovible (portal, entrada, escaleiras, descansos, etc), sen os permisos oportunos.
- As persoas ocupantes das Vivendas de Emerxencia Social deberán comunicar ao Concello de Riotorto, por escrito, calquera variación dos seus ingresos ou circunstancias persoais, a efectos de posibles modificacións obxecto do acordo de cesión.
- O Concello e os servizos técnicos municipais, en ningún caso se responsabilizarán das perdas de diñeiro ou outros obxectos de valor depositados polas persoas residentes na Vivenda de Emerxencia.
- As persoas ocupantes da Vivenda de Emerxencia Social teñen a obriga de permitir a entrada á vivenda, tanto para o seguimento do proxecto que se asina por parte do persoal municipal de servizos sociais comunitarios, como para as reparacións que sexan necesarias no seu domicilio en orde ao bo funcionamento xeral dos servizos.
- O arrendatario obrígase a manter a vivenda asegurada contra o risco de incendios e catástrofes, designando como beneficiario ao Concello de Riotorto, polo importe mínimo de 90.000 euros de capital asegurado como continente e 15.000 euros de contido, e a aportar o duplicado da póliza e o xustificante de abono dos recibos anuais no prazo de un mes a contar dende a data no que surxa efectos o contrato, e as renovacións no prazo de un mes dende o vencemento dos anteriores.
- A vivenda non poderá arrendarse nin cederse nin total nin parcialmente a terceiras persoas.

XI.- Réxime xurídico do aluguer da vivenda

A vivenda alugada non poderá cederse ou subarrendarse, rexéndose en todo o non regulado nestas bases polo establecido na Lei 29/1994, de 24 de novembro, de Arrendamentos Urbáns.





CONCELLO DE RIOTORTO (LUGO)

CIF: P2705400 F

En todo caso, o aluguer da vivenda deberá constituír o domicilio habitual e permanente da persoa seleccionada para o aluguer. En caso de que non teña este destino será causa da resolución do contrato.

XII. Protección de datos de carácter persoal.

Os participantes autorizan expresamente a tratar os datos de carácter persoal facilitados, sendo responsable dos mesmos o concello de Riotorto, coa finalidade administrativa derivada deste procedemento de aluguer dunha vivenda sita en Santa Marta.

O tratamento dos datos baséase no cumprimento dunha misión de interese público e para a xestión do referido procedemento.

Os datos poderán ser comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou para que os cidadáns poidan acceder de forma integral á información relativa a unha materia.

Co fin de darlle publicidade ao procedemento, os datos identificativos das persoas interesadas serán publicados no BOP e no taboleiro de edictos da sede electrónica do concello de Riotorto.

As persoas interesadas poderán acceder, rectificar e suprimir os seus datos así como exercer outros dereitos ou retirar o seu consentimento, ante o sr. Alcalde do Concello de Riotorto.

XII. Impugnación.

Contra as presentes bases, sendo que o seu acordo aprobatorio é definitivo en vía administrativa, poderase interpoñer polos interesados lexitimados os seguintes recursos:

- Con carácter potestativo, recuso de reposición ante o mesmo órgano que ditou o acto recorrido no prazo dun mes a contar dende o día seguinte ao da publicación das bases no BOP. Se transcorrera un mes dende o día seguinte ao da interposición do recurso de reposición sen que este fora resolto, poderán entenderse que foi desestimado e poderase interpor recurso contencioso-administrativo á súa elección ante o Xulgado do Contencioso-Administrativo de Lugo no prazo de seis meses.





CONCELLO DE RIOTORTO (LUGO)

CIF: P2705400 F

- Recurso contencioso-administrativo á súa elección ante o Xulgado do Contencioso administrativo de Lugo dentro do prazo de dous meses contados dende o día seguinte ao da publicación das bases.

En Riotorto, na data da sinatura electrónica,

O Alcalde

Asdo. Clemente Iglesias González

	<u>ANEXO I</u> SOLICITUDE DE PARTICIPACIÓN NO PROCEDEMENTO COMPETITIVO E DE LIBRE CONCORRENCIA PARA ALUGUER DUNHA VIVENDA MUNICIPAL SITA EN SANTA MARTA.
--	---

DATOS DA PERSOA SOLICITANTE

NOME	PRIMEIRO APELIDO	SEGUNDO APELIDO	NIF/DOC		
TIPO DE VÍA	NOME DA VÍA	NÚMERO	BLOQUE	ANDAR	PORTA
PARROQUIA	LUGAR	CP	PROVINCIA	CONCELLO	
TELÉFONO	TELÉFONO MÓVIL	CORREO ELECTRÓNICO			

E NA SÚA REPRESENTACIÓN (deberá acreditarse a representación fidedigna por calquera medio válido en dereito)





CONCELLO DE RIOTORTO (LUGO)

CIF: P2705400 F

NOME/RAZÓN SOCIAL	PRIMEIRO APELIDO	SEGUN DO APELID O	NIF
-------------------	---------------------	----------------------------	-----

DATOS PARA OS EFECTOS DE NOTIFICACIÓN

Notifíquese a

- ☐ Persoa solicitante
- ☐ Persoa ou entidade representante

Enviaranse avisos da posta á disposición da notificación ao correo electrónico facilitado de seguido: correo electrónico _____.

Elección do medio de notificación preferente. As persoas obrigadas a relacionarse a través de medios electrónicos coa Administración deberán optar, en todo caso, pola notificación por medios electrónicos, sen que sexa válida nin produza efectos unha opción diferente.

- ☐ Electrónica
- ☐ Postal (cubrir o enderezo postal so si é distinto do indicado anteriormente)

TIPO DE VÍA	NOME DA VÍA	NÚMERO	BLOQUE	ANDAR	PORTA
PARROQUIA	LUGAR	CP	PROVINCIA	CONCELLO	

DECLARA que posúe todos os requisitos esixidos nas bases para optar ao aluguer da vivenda municipal e que

- ☐ SI pertence a un dos colectivos prioritarios establecidos nas bases.
- ☐ NON pertence a ningún dos colectivos prioritarios establecidos nas bases





CONCELLO DE RIOTORTO (LUGO)

CIF: P2705400 F

SOLICITA participar no procedemento competitivo e de libre concorrência para aluguer dunha vivenda municipal sita en Saavedra, segundo as bases publicadas no BOP de Lugo nº _____, de data _____ e achega a documentación que se relaciona á marxe.

DOCUMENTACIÓN QUE SE ACHEGA:

a) Documentación xeral:

- ☐ Declaración xurada de non ter, a persoa solicitante nin ningún outro membro da unidade de convivencia, unha vivenda en propiedade.
- ☐ Acreditación dos ingresos de cada un dos membros da unidade de convivencia mediante declaración da renda, certificacións de ingresos, certificación de empresa ou resolución.
- ☐ Fotocopia do DNI ou NIE de cada un dos membros da unidade de convivencia e copia do libro de familia para o caso dos menores sen DNI.
- ☐ Libro de familia (copia de todas as follas do libro onde figuren todas as persoas que compoñen a unidade familiar.
- ☐ Certificado histórico de convivencia referido á data de presentación de solicitudes.
- ☐ Declaración responsable das persoas que compoñen a unidade familiar ou, no seu caso, unidade de convivencia (Anexo II).

b) Documentación específica para colectivos prioritarios:

b.1. Unidades familiares ou de convivencia nos que existan mulleres vítimas de violencia de xénero:

- ☐ Certificación da orde de protección ou medida cautelar, testemuño ou copia autenticada da secretaría xudicial da propia orde de protección ou medida cautelar.

Cod. Validación: A79G9EY4HPWD3AR97DAZNP9ED
Corrección: <https://riotorto.sedelectronica.gal/>
Documento asinado electronicamente desde a plataforma xestiona esPublico | Páxina 12 a 16





CONCELLO DE RIOTORTO (LUGO)

CIF: P2705400 F

- ☐ Sentenza de calquera orde xurisdiccional que declare tal situación.
- ☐ Informe do Ministerio Fiscal que indique a existencia de indicios de violencia.
- ☐ Informe dos servizos de acollida.
- ☐ Certificación e/ou informe dos servizos sociais e/ou sanitarios da Administración Pública Autonómica ou Local
- ☐ Calquera outro documento que acredite a situación (indicar que documento se achega)_____

b.2. Familias numerosas:

- ☐ Fotocopia do título de familia numerosa.

b.3. Familias monoparentais con fillos a cargo:

- ☐ Sentencia de separación ou divorcio, convenio regulador ou resolución de medidas paterno/materno filiais.
- ☐ Fe de estado civil.

b.5. Unidades familiares ou de convivencia afectadas por un procedemento xudicial de desafiuzamento ou perda de uso ou condicións de habitabilidade da vivenda:

- ☐ Sentenza ou resolución xudicial de desafiuzamento en calquera instancia xurisdiccional ou calquera outro documento acreditativo da perda do dereito ao uso á vivenda na que residían con anterioridade ou da perda das condicións de habitabilidade da vivenda, por exemplo, informe do técnico municipal.

b.6. Unidades familiares ou de convivencia afectadas por procedementos de execución hipotecaria:

- ☐ Acreditación da admisión a trámite da demanda de execución hipotecaria.
- ☐ Certificado do letrado da Administración de Xustiza de que non finalizou o procedemento xudicial

AUTORIZA ao Concello de Riotorto ao tratamento dos seus datos de carácter persoal e para recabar a información adicional que considere necesaria para a adecuada estimación dos ingresos ou recursos económicos da unidade de convivencia.





CONCELLO DE RIOTORTO (LUGO)

CIF: P2705400 F

Riotorto, de 2026

Asdo.:

--	--

ANEXO II

**DECLARACIÓN RESPONSABLE DAS
PERSOAS QUE COMPOÑEN A UNIDADE
FAMILIAR OU, NO SEU CASO, A
UNIDADE DE CONVIVENCIA.**

DATOS DA PERSOA SOLICITANTE NO PROCEDEMENTO

NOME	PRIMEIRO APELLIDO	SEGUNDO APELLIDO	NIF/DOC	Cod. Verificación: A79GSEY4HPWD0397DA7NP9FD Corrección: https://riotorto.sedelectronica.gal/ Documento asignado a plataforma xestiona esPublico Páxina 14 a 16	
TIPO DE VÍA	NOME DA VÍA	NÚMERO	BLOQUE	ANDAR	POLIGRAFA
PARROQUIA	LUGAR	CP	PROVINCIA	CONCELLO	





CONCELLO DE RIOTORTO (LUGO)

CIF: P2705400 F

TELÉFONO	TELÉFONO MÓVIL	CORREO ELECTRÓNICO		

DECLARO BAIXO A MIÑA RESPONSABILIDADE que a miña unidade familiar ou unidade de convivencia está formada polas seguintes persoas:

NOME E APELIDOS	DNI	DATA DE NACEMENTO

Así mesmo DECLARO que:

- ☐ Non forman parte da miña unidade de convivencia outras unidades familiares distintas da relacionada anteriormente.
- ☐ Forman parte da miña unidade de convivencia, ademais, a seguinte unidade familiar:

NOME E APELIDOS	DNI	DATA DE NACEMENTO

Cod. Validación: A79G9EY4HPWD3AR97DA7NP9FD
Corrección: <https://riotorto.sedelectronica.gal/>
Documento asinado electronicamente desde a plataforma xestiona esPublico | Páxina 15 a 16





CONCELLO DE RIOTORTO (LUGO)

CIF: P2705400 F

Para que conste, aos efectos de participar no procedemento competitivo e de libre
concorrrencia para aluguer da vivenda municipal de Saavedra, asino a presente,
Riotorto, a de de 2026 -----

